



30. maj 2012

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

Paasissutissat ukiut tallimat kingulliit ingerlanerini pissarsiarineqarsinnaasut tunngavigalugit kissaatigaara makku paasissutissiissutigineqassasut:

- a) **Nannut angalaartut qassit Kalaallit Nunaata Kujataa angusarpaat (Kitaani Qeqertarsuup Tunuata kujataani) imaluunniit Kalaallit Nunaata Kujataata nunataanut qaqisarpasut ?**
- b) **Nannut takuneqartut qassit pisarineqartarpat piniartunit imaluunniit allanit illersortariaqarneq pissutialugu ?**
- c) **Nannut takuneqareerlutik annattartut qassiuneri tagginneqarsinnaava ?**

2. Kisitsisit tunngavigalugit kissaatigaara paasissallugu Naalakkersuisut siunertalittut isigineraat, maannakkut Kalaallit Nunaata Kujataani inuutissarsiutigalugu piniartunut ukiumut pisassiissutigineqartartut attatiinnarnissaat pissusissamisoornersoq imaluunniit siunertaqarnerusutut isigineqarnersoq aallaaniarsinnaanermut akuersissummik pillit kikkulluunniit nannussinnaangortitaappata taqqavani angalaaginnartunik, pisarineqartullu ukiup tulliani pisassiissutigineqartunit ilanngaatigalugit ?

(Inatsisartunut ilaasortaq Michael Rosing, Demokraatit)

Tunngavilersuut

Nannut – amerlasuut isaanni piuminartutut isikkoqaraluarlutik – uumasuupput qaasuttut.

Majimi 2012-mi Qeqertarsuatsiaat eqqannguani takuneqarpoq. Tamanna pivoq Nuummi illuaqqat eqqaanni nanoq takuneqarsimatsiartorlu. Nannuttassiissutigineqartut nungoreernikummata Politiit illersortariaqarneq pillugu nanoq toqunneqarsinnaasoq akueraat. Tassa imaappoq, nannuttoqarsinnaavoq, ulorianartorsiortoqartillugu allamillu periarfissaqartinnagu. Matumani ulorianartorsiortoqarpoq nanoq Qeqertarsuatsiaanut qanillattormat, inoqarfinniik 500 meteriinnarnik ungasissuseqalerluni.

Nanoq Qeqertarsuatsiaat eqqaanut pisoq kisiartaanngilaq, sumiiffimmi ukiut kingulliit ingerlanerini takuneqartuni. Nannut takuneqartut amerlanerpaartaat tamatigut pisassiissutit ilaattut aallaaneqartartuuppata imaluunniit toqunneqartartuuppata inunnut ulorianarnerat pissutigalugu, taava isumaqanngilaq, inuutissarsiutigalugu piniartup toqutsiartortussap utaqqisarnissaa. Paarlattuanik kujataarmiut tamarmik aallaaniaqataasinnaalissapput ikittuinnarnut periarfissaatikkunnaarlugu.



Apeqqutit piffissarititaasut ullut sulliviit qulit nalinnaasut iluanni akeqquneqarput.